



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍԶԱԿԱՆ ՄԱՐՄԻՆ

ՂԵԿԱՎԱՐ

N 01/1174-2024

«01» փետրվար 2024թ.

ՀՀ, 0011, ք. Երևան, Նորք-Մարաշ, Ա. Արմենակյան 129

☎ (374-10) 65-05-53

Էլ. փոստ info@hlib.am

ՈՐՈՇՈՒՄ N

0117

ԹԻՎ 091123-2600 ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) Երևան քաղաքի տարածքային կենտրոնի պետի 2023 թվականի հունիսի 23-ի N 0257 կարգադրագիրը, Տեսչական մարմնում 2023 թվականի նոյեմբերի 09-ին հարուցվել է թիվ 091123-2600 վարչական վարույթը՝ «Գուանդժու Չինական Բժշկական Կենտրոն» սահմանափակ պատասխանատվությամբ ընկերությունում (ՀՎՀՀ՝ 00243523) (այսուհետ՝ Ընկերություն) Տեսչական մարմնի Երևան քաղաքի տարածքային կենտրոնի պետի 2023 թվականի հունիսի 23-ի N 0257 կարգադրագրով տրված առաջադրանքների կատարված լինելը պարզելու նպատակով:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասով, հարուցված վարչական վարույթի շրջանակներում Տեսչական մարմնի մասնագետների կողմից 2023 թվականի դեկտեմբերի 01-ին ՀՀ քաղաք Երևան, Սեբաստիա փողոց, 6 տարածքում հսկվելու գործող Ընկերությունում Տեսչական մարմնի ղեկավարի հրամանով ծանուցվելու առձեռն



ք. Երևան, Նորք-Մարաշ, Ա. Արմենակյան 129
☎ (374-10) 65-05-53 Էլ. փոստ info@hlib.am
Թիվ գծի՝ 8107

Սկզբնական հիշ. 01.02.24.

հանձնելու և զննում իրականացնելու նպատակով, կատարված այցի արդյունքում պարզ է դարձել, որ «Գուանդժու Չինական Բժշկական Կենտրոն» սահմանափակ պատասխանատվությամբ ընկերությունը գտնվում էր փակ վիճակում:

Տեսչական մարմնի կողմից 2023 թվականի դեկտեմբերի 22-ին ՀՀ պետական եկամուտների կոմիտե է ներկայացվել 01/27938-2023 գրություն՝ ՀՀ քաղաք Երևան, Սեբաստիա փողոց, 6 տարածք հասցեում գործող «Գուանդժու Չինական Բժշկական Կենտրոն» սահմանափակ պատասխանատվությամբ ընկերության գործունեության մասին տեղեկատվություն ստանալու վերաբերյալ, որին ի պատասխան, 2023 թվականի դեկտեմբերի 27-ին ստացվել է թիվ /71-6/78020-2023 գրություն առ այն, որ ՀՀ քաղաք Երևան, Սեբաստիա փողոց, 6 տարածք հասցեում գործող «Գուանդժու Չինական Բժշկական Կենտրոն» սահմանափակ պատասխանատվությամբ ընկերության անվամբ առկա չէ գրանցված հսկիչ-դրամարկղային մեքենա:

2024 թվականի հունվարի 25-ին ՀՀ առողջապահության նախարարություն է ներկայացվել թիվ 01/1205-2024 գրություն՝ Ընկերությանը ՀՀ առողջապահության նախարարության կողմից 2021 թվականի դեկտեմբերի 29-ին տրամադրված թիվ Կ-ԲՕ-003122 լիցենզիայի կարգավիճակի վերաբերյալ, որին ի պատասխան, 2024 թվականի հունվարի 31-ին ստացվել է թիվ ԱԱ/14.2.2717-2024 գրություն, առ այն, որ Ընկերության տնօրենի կողմից ՀՀ առողջապահության նախարարություն ներկայացված դիմումի համաձայն ՀՀ առողջապահության նախարարի 2023 թվականի նոյեմբերի 17-ի թիվ 5520-Ա հրամանով թիվ Կ-ԲՕ-003122 լիցենզիայի գործողությունը դադարեցվել է:

Ելնելով վերոգրյալից և հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 50-րդ հոդվածի 2-րդ մասի «բ» կետը և 3-րդ մասը, ՀՀ վարչապետի 2018 թվականի հունիսի 11-ի N 755-Լ որոշման հավելվածի 19-րդ կետի 13-րդ ենթակետը.



ՈՐՈՇՈՒՄ ԵՄ

1. ՀՀ առողջապահական և աշխատանքի տեսչական մարմնում 2023 թվականի նոյեմբերի 09-ին հարուցված թիվ 091123-2600 վարչական վարույթը կարճել՝ իրավիճակի փոփոխման հիմքով:
2. Սույն վարչական ակտն ուժի մեջ է մտնում վարույթի մասնակիցներին իրազեկելուն հաջորդող օրվանից:
3. Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին, ինչպես նաև ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:

Սույն վարչական ակտը ենթակա է ծանուցման «Գուանդժու Չինական Բժշկական Կենտրոն» սահմանափակ պատասխանատվությամբ ընկերության տնօրենին (ՀՀ քաղաք Երևան, Սեբաստիա փողոց, 6 տաղամաս և ՀՀ քաղաք Երևան, Արաբկիր, Զարյան փողոց, տուն 7 հասցեներով):


 Recoverable Signature

X

ՍԼԱՎԻԿ ՍԱՐԳՍՅԱՆ

Signed by: SARGSYAN SLAVIK 3807890467

ՍԼԱՎԻԿ ՍԱՐԳՍՅԱՆ



ք. Երևան, Նորք-Մարաշ, Ա. Արմենակյան 129
(374-10) 65-05-53 Էլ. փոստ՝ info@hlib.am
Թեժ գիծ՝ 8107